

# MOBILIDADE PARA PERSOAL SAÍNTE ERASMUS+

## CONVOCATORIA PARA O CURSO 2023-24

A EASD Mestre Mateo fai pública a presente convocatoria de axudas para a Mobilidade de Persoal Docente correspondente ao curso 2023/2024, no marco do programa Erasmus+ KA107 para países asociados.

Este programa desenvólvese grazas á aprobación por parte da Comisión Europea das Mobilidades de estudantes e persoal entre países do programa e países asociados polo Servicio Español para a Internacionalización de la Educación (SEPIE).

### PRIMEIRA. OBXECTO DA CONVOCATORIA E OBXECTO

O obxectivo da presente convocatoria é a selección de beneficiarios dun máximo de 2 axudas de mobilidade para persoal docente da EASD Mestre Mateo destinadas a financiar estadias durante o curso 2023/2024 en países Asociados veciños da UE para profesorado de Graos ou Ciclos superiores que se imparten no centro. O obxecto da estadia é a realización dunha actividade de formación impartida por unha universidade ou institución a través do Consorcio de Artes (CARTES), concretamente a **participación do profesorado nun festival de Cinema (International film festival) organizado pola Universidade de Pristina, Kosovo. A organización solicita expresamente que o profesorado seleccionado se comunique cun nivel de inglés alto.**

### SEGUNDA. CENTROS DE DESTINO E DURACIÓN

Lugar	Universidade de destino	Duración	Datas	Número de prazas
Pristina (Kosovo)	University of Pristina	5 días + 2 de viaxe	8 ao 12 de Xullo 2024	2

### TERCEIRA. REQUISITOS

Son elixibles todos/as os/as docentes que impartan estudos na Escola (tanto graos coma ciclos superiores) durante o curso 2023/24 e que teñan como mínimo un nivel B2 acreditado oficialmente en inglés antes da data límite de entrega de documentación (poderanse valorar candidaturas sen o cumprimento desta condición unicamente se quedaran prazas libres).

### CUARTA. AXUDA ECONÓMICA

As persoas participantes na mobilidade recibirán unha axuda económica para sufragar os custos de estancia e manutención durante o período de mobilidade, así como unha axuda económica para sufragar os custos de viaxe.

Os importes asignados para o apoio individual son independentes do país de destino ou orixe da mobilidade. O importe da viaxe sinalada pode experimentar modificacións en función da distancia entre o centro de orixe e o centro de destino, polo que haberá que calcular os importes definitivos en base á ferramenta elaborada a tal efecto pola comisión europea.



**QUINTA. LUGAR DE PRESENTACIÓN E PRAZO DE SOLICITUDE**

As persoas solicitantes deberán presentar os seguintes documentos debidamente cumprimentados, datados e asinados, na Secretaría da Escola, en papel, ata o 23 de Maio de 2024 (inclusive):

- Impreso de solicitude (Anexo I)
- Declaración de capacidade do manexo no idioma do país de destino ou no idioma de traballo (Anexo II)
- Certificacións oficiais de idiomas.
- Plan de traballo (Anexo III)
- Aceptación por parte do centro ou institución que imparta a formación.

**SEXTA. CRITERIOS DE SELECCIÓN DAS PERSOAS PARTICIPANTES**

A selección do profesorado candidato realizarase a través dunha comisión de valoración, que estará integrada polo director, a xefatura da área de Calidade e Promoción das Ensinanzas, a coordinadora de Programas Internacionais e dous integrantes do claustro seleccionados mediante sorteo público, que terá lugar o 24 de Maio ás 11h.

No caso de que o segundo integrante do claustro seleccionado por sorteo sexa da mesma especialidade que o primeiro, o segundo quedará exento e continuarase co sorteo até atopar unha/un docente que non coincida na especialidade coa/co primeira/o docente seleccionada/o.

Se algún das/os integrantes da comisión se candidatará para a bolsa, será substituído pola xefatura de estudos. No caso de que se trate dun integrante do claustro, realizarase un novo sorteo. A adxudicación de prazas farase por especialidade e de acordo cos seguintes criterios:

1. Relación entre a especialización do/a docente (responsabilidades, disciplinas e especialidades que imparte) e a formación que recibirá no centro de destino. *Máximo 3 puntos.*
2. Liñas de traballo e de investigación afíns ao centro de destino: proposta no proxecto/plan de traballo de visitas e contactos con institucións que impartan estudos similares aos da EASD Mestre Mateo. *Máximo 1 punto.*
3. Coñecemento da lingua de traballo. Certificación de idiomas dacordo co Marco

Común Europeo de Referencia para as Linguas. *Máximo 4 puntos, conforme á seguinte táboa:*

Idioma na institución de destino solicitada			
B1	B2	C1	C2
-	2	3	4
Inglés			
B1	B2	C1	C2
-	1	1,5	2

No caso das candidaturas conxuntas presentadas por 2 docentes, sumarase a puntuación total e dividirase entre 2.

5. Terán preferencia as persoas que non cursaran previamente unha mobilidade Erasmus para profesorado na Escola ou, no seu caso, as que faga máis tempo que a teñan realizado, sempre e cando: a) exista relación suficiente entre a especialización do/a docente e as materias do centro de destino, de xeito que acaden unha puntuación mínima de 1,5 e 0,5 nos punto 1 e 2, respectivamente; b) as liñas de traballo e de investigación sexan afíns co centro de destino; e c) teñan alomenos un nivel B1 da lingua de traballo para optar ás mobilidades de formación, e a un B2 para as de docencia.
6. Terán preferencia, por esta orde: a) destino definitivo no centro, b) interinidade, c) substitución.
7. No caso de empate, terá preferencia a persoa con maior permanencia no centro.

As persoas solicitantes, una vez baremadas, pasarán a formar parte dunha lista de seleccionados ordeada de maior a menor puntuación.

Serán adxudicatarias dunha beca de mobilidade as persoas integrantes da lista de seleccionados por orde de puntuación ata que se esgote a partida orzamentaria das mobilidades convocadas.

A concesión desta licenza subordinarase, en todo caso, ás necesidades do servizo.

**SÉTIMA. RENUNCIAS**

A renuncia a unha axuda de mobilidade xa adxudicada presentarase por escrito á coordinadora Erasmus da Escola no prazo de 5 días dende a resolución da convocatoria.





#### OITAVA. PRAZOS

- Presentación de solicitudes: 23/5/24
- Resolución e lista de seleccionados: 27/5/24
- Alegacións: 29/5/24 ata as 13 h.
- Resolución e lista de adjudicación definitiva: 31/5/24.
- Renuncia: máximo 2 días despois da publicación da lista definitiva de persoas seleccionadas.

#### NOVENA. TRÁMITES ANTES DE COMEZAR A ESTADÍA

A persoa adjudicataria aportará todos os datos e información necesarios para xestionar a documentación requirida polo Departamento de Relacións Internacionais da EASD Mestre Mateo en tempo e forma.

Asimesmo deberán realizar todos os trámites necesarios para asegurarse a cobertura sanitaria durante a súa estancia e suscribirán unha póliza que cubra accidentes e responsabilidade civil durante a estadía no país destino.

#### DÉCIMA. TRÁMITES DURANTE A ESTADÍA

A persoa adjudicataria debe comunicar á coordinación Erasmus da Escola a súa incorporación ao centro de destino.

Asimesmo deberá comunicar á coordinación Erasmus da Escola calquera incidencia ou cambio nas datas ou no plan de mobilidade acordado no Acordo á maior brevidade posible.

#### UNDÉCIMA. TRÁMITES AO FINALIZAR A ESTADÍA

A persoa adjudicataria debe entregar á coordinación Erasmus da Escola nun prazo máximo de 15 días desde o seu regreso:

- O **certificado de cumprimento da estadía según modelo normalizado**, con data e sinatura polo responsable de control de mobilidade da institución de

destino. A data de certificación deberá ser igual ou posterior á data de finalización da estadía. Non se admitirán certificados con data anterior á finalización do período de mobilidade.

- **Documentación xustificativa da viaxe:** documento de desprazamento en vehículo particular, tarxetas de embarque, billetes electrónicos, folla de itinerario, facturas no seu caso, etc.
- O informe final en liña (cuestionario UE) en función da mobilidade realizada.
- O **informe/dossier das actividades desenvolvidas** durante a estadía, coa memoria da súa experiencia a nivel académico, profesional, lingüístico, cultural, etc. Estas memorias publicaranse na web da Escola, e quedarán arquivadas para posteriores actividades: charlas, presentación, información sobre centros de destino, etc.

Asemade, as/os participantes deberán dar a máxima difusión ás actividades realizadas durante á súa estadía por medio das redes sociais e a páxina web da Escola, facilitando un rexistro fotográfico e unha sinopse da actividade á coordinación Erasmus.

NON SE REALIZARÁ O PAGO DA AXUDA ECONÓMICA SEN A PRESENTACIÓN DOS DOCUMENTOS (estes e os que, de ser o caso, poidan ser solicitados adicionalmente desde a coordinación Erasmus a instancias da organización) EN FORMA E PRAZO.

Santiago de Compostela, 14/5/24

Asinado:

Juan Marcos Adrio Fondevila  
Director





## ANEXO I

### IMPRESO DE SOLICITUDE

PREFERENCIA DA MOBILIDADE EN FUNCIÓN DO DESTINO	
Pódense solicitar unha ou varias mobilidades indicando a orde cun número do 1 ao 3, en orde descendente e entendendo que o 1 é o preferido.	
1	
2	
3	

IDENTIFICACIÓN DA PERSOA SOLICITANTE	
Nome	
DNI	
Apelidos	
Data de nacemento (dd/mm/aaaa)	
Enderezo postal	
Correo electrónico	
Teléfono	
Datas elixidas para realizar a mobilidade	
Nacionalidade	



ANEXO II  
DECLARACIÓN DE CAPACIDADE DE MANEXO NO IDIOMA  
DO PAÍS DE DESTINO OU NO IDIOMA DE TRABALLO

A persoa solicitante da axuda, D/Dna.

.....

Declara ter manexo suficiente do idioma do país de destino solicitado.

Asdo.

D/Dna. ...., solicitante.

En Santiago de Compostela, a ..... de xaneiro de 20.....



ANEXO III  
WORKING PLAN

Full Name:	
Mobility:	
Estimated date:	
Short description of the activity:	

